



白洲集
序

古言絶句
五言律诗

~16
2388
2

古



和
2358
8-2



白洲集卷之四



七言絕句

己卯十月十七日以關東伯辭朝官表行在

十八日早發到加平墓下 光陵僧清遠隨

來乞詩自言將移居于墓下新構齋宮次卷

中韻贈之

在世長懷出世心逢僧一笑興難斟灘頭結社歸來
日無限雲山共爾尋

贈別趙教官休歸湖南別業兼奉元按使子建

斗杓

憐君此去亦他鄉暮景蒼茫客路長湖外故人如問
我為言相憶鬢添霜

已卯至月 萬壽節與同事諸公行望賀儀於
州正廳退而有感

星斗迢迢隔九霄夢驚風雪午門朝瓊樓玉宇寒多
少一夜孤臣兩鬢凋

橫城蒼峯驛

霜霰淒霏翳日華曉泉清咽隱鳴笳天寒古峽入烟
少唯見蒼峯驛數家

洪川泛波亭

曙色初疑月色殘灘聲却似雨聲寒酒醒孤館捲簾
坐十里江山和夢看

春州閣武贈申防禦

景柳

將軍白首氣青春按使三秋病九旬多難即今同受
命答 恩唯有各忘身

春州途中口號

松楸在加平而
方遷葬亡兒

清平西去是加平欲往非無水陸程孤露百年雙眼
血更堪今夜峽猿鳴

春州三絕

昭陽水色碧於油至月中旬似仲秋無奈病身寒逼

骨江頭却要避風樓

香殘睡鴨夜遲遲宿醉初消月近帷前度繡衣頭已

白佳人莫唱紫雲詞

將軍躍馬一鷹隨野色蒼涼欲雪時風外數聲聞絕
叫望中紅錦落離披

馬上口號

雅心咬菜不嫌貧無限雲山可着身長往未成吳市
卒暫遊還媿武陵人

峽民生計捻蕭然木石槎牙火種田疏鑿也須知帝
力門前時到賣鹽船

夜坐戲贈主牧鄭德基

維城

關東曲罷又新詞清唱寥寥刻漏遲地主風流耽早
睡可堪燈下獨斟時

衙後小園同德基使君煮艾聞宣傳官奉

諭旨到營徑還戲作

山逕依微晚照明隔溪供帳淡烟生誰令老子同閑
事興盡東廂束帶迎

贈公獻

相看却似少年時到處浮生有別離不是潯陽江上
夜琵琶一曲使人悲

戲次申正言韻記實

寶髻輕拖楚峽雲
燭花紅映石榴裙
東家少婦工穿壁
不惜餘輝借一分

醉贈南都事鑑兼奉襄陽府伯韓遠而必遠

襄陽行樂太平春
御史風流跡已陳
嶺雪向消吾便去
却愁花月更迷人

雪月用羽化樓韻樓在丹丘驛

淨盡纖埃一色澄
仙樓十二望層層
何須更踏山陰道
鞋底銀橋可立登

有人說中朝事感而賦之

三千玉女戴花紅
歌舞霓裳會月宮
天上虹橋今已斷
白頭沾灑赤心風

次淮翁韻贈鏡浦主人東還

歎息人間萬事非
江山應待主人歸
春來物色還如舊
花滿長堤水半扉

日午鳴鼉無一事
亂山晴雪映官居
東行不待棠花發
鏡水清冰看刺魚

謝申正言惠冷蔬

何人解事命冰壺
不必金城有土酥
直到夜深醒渴夢
先生風味世間無

蟾江逢道章

二更星月動江郊兄弟相携鬢雪交吐盡滿腔悲苦
語老夫元不事推敲
去歲維舟三月時出籬紅杏短長枝誰知再到經年
後此地逢迎此別離

蟾江雪馬戲次兒輩韻

水能為陸陸能舟好事天公借勝遊清興今宵兼雪
月山陰之棹武昌樓

聞丹丘督郵春夜無眠以帳下一歌兒與之
千金駿馬換名娥十里香街馱醉過羽化樓前明月

夜當壚一曲落梅歌

守申口號

星河欲落漏籌頻坐到晨鷄起遠隣抱病年來恒少
睡旁人不信守庚申

次韻題畫竹扇

最愛瀟湘長短枝月斜風定露珠垂何人寫出晴窓
影歲暮相看無限思

贈姪兒啟相歸覲晉陽

乃翁行後爾隨行垂老何堪又別情若問近來吾病
狀隔窓明月聽琴聲

神林驛別鄭使君德基

古驛蕭條雪擁門客懷淒切對殘樽明知此別無多
日歧路分時却斷魂

神林途中

青山漠漠水聲哀十八年前御史來風景不隨人
事變驛樓斜日又深杯

魯陵

江木蕭森白日陰越山青映魯陵深春來莫向西州
路苦月鵲聲淚滿襟

平昌途中

激激風泉斷復仍暮山回合碧千層一村籬落聞鷄
犬不是天台即武陵

印巖

印巖書石嶺東西好事何人費品題獨有清心千丈
壁不妨呼作鎮山屏

金剛洲

魚在深潭聞我語水中鬚鬣逝悠然飛騰不待桃花
浪一蹴輕冰上九天

鏡浦

驛路殘冰響馬蹄江門橋畔水平堤街童拍手爭來

看按使橫軺醉似泥

庚辰閏春巡到真州座有一丫鬟為觀海李子

時舊眄出一詩扇乃子時按使時作也感而

和之

佳人一語一沾衿逐客三年怨別心關塞極天來鴈

少竹西歌吹夜燈深觀海方
謫關西

玉溪驛逢沈生

憐君同是洛中人何事飄零到海濱莫問歸程與歸

日故園西去尚風塵

望洋亭寄贈趙使君珩
嚴都事
鼎考

驪駒整駕僕夫催臨別依然又一杯最是行人腸斷處
海天微雨驛村梅

平海浩然亭贈主人

雲海微茫澹月華小村籬落近鳴沙春風一樹梅如

雪莫是孤山處士家

無題

春來雲雨滿江鄉不必巫山始斷腸手把梅花歌一

曲座中誰是杜秋娘

次卞上人軸中韻

拔地驚瀾撼岳雷天機自斡孰能回胡僧亦見人間

事約到何時有劫灰

次卯君在晉陽寄示韻

消息春來靜未聞阿咸歸路看南雲臨書涕泣無他
語昨得清陰換定文

時清陰換送先人墓碑

附原韻

掉曲驚心不忍聞回頭脉脉向彤雲歸來掩淚看

遺集半是先朝事大文

玄洲

雨後將赴鎮巖觀漁口號

前溪夜雨足沾沙官路春泥半落花走馬觀漁宜日
晚綠簑青箬任風斜

贈主牧鄭德基

細草長郊穀雨乾
桃花初發杏花殘
輕衫快馬遊何處
魚隊磨腮已上灘

次金晦汝韻

東方千騎駐河湄
峽裡書回穀雨時
佳句未酬青玉案
寸心長憶紫芝眉
受節分符共一時
江山咫尺阻佳期
君羸我瘁真同病
進退思量百不宜

戲贈申正言

恂

北里看花倒接羅
西村酒熟又佳期
何當納節隨君

醉無限溪山任所之

偶占

園林漲綠恰藏鴉落盡前村萬樹花想得山中紅躑躅獨留春色殿韶華

庚辰初夏巡到淮陽將由楓岳向高城有一上人迎拜於斷髮嶺上出一詩卷乃余癸亥四月以御史入山時作也噫自癸亥至今十八年間亂離漂轉人不能奠厥居以至空門緇釋之輩皆不免瑣尾之勞爾能堅卧一山若是之久足見爾有定力也遂傷時勢之孔

棘感上人之舊意復次前韻而贈之

水自東流雲自西十年多難少安棲高僧白首一菴住卧聽前山山鳥啼

楓岳逢妙涸師得友人詩喜而和之

白頭猶未擺塵緣媿向禪家拱禮筵同學故人勞遠夢十五峯下雨花天

雲水菴贈太嚴寄示祥師

此是祥師久住處法門龍象爾知名師今移住北山北客到但聞流水聲

佛頂臺戲贈濟師

雪岳山僧玉雪姿遠來楓岳乞吾詩吾詩倦矣無佳句歸卧山中時見之

海山亭

萬瀑洞前携一筇百川橋下駕雙龍
細雨回舟三日浦夕陽吹笛七星峯

昭陽舟中戲贈狼川李使君

命寅

扁舟笳鼓下昭陽按使歸裝錦一囊借問水邊觀我者古來曾有此猖狂

營軒東十餘步有方池荒廢池中小島頽落春夏水至荷與蒲并生蒙葦不復有池臺之興

命州人輦其穢而疏其蔚砌其島而安之小閣扁曰浮萍以閣在島中如萍之浮水也荷香水色四面環映爽氣撲人衣袖暑月居之甚可樂也用遊手三日役已完莫謂余舉羸也詩曰

的的荷花獵獵蒲夜深風定月輪孤
炎天幻出清涼界別有人間造化鑪

驢洲小集觀原牧與申正言圍碁為賦一絕示之

薄雲斜日半陰晴透幕微風暑氣清
却憶廬山白鶴

觀古松流水落砮聲

蟾江逢李生有懷石洲東岳

石洲權公號

零落高陽舊酒徒憐君白首寄江湖詩仙一去風流盡霞鶯千秋興已孤

申生林亭

高柳淒風散夕暉水亭涼透白單衣蕭條野色同秋日惟見寒鴉數點歸

松石亭

山村小雨稻花明隔葉鳴鳩已喚晴一抹青烟生澗谷晚風吹送打魚聲

白日營門簿牒稀午窓殘夢到斜暉翩然一騎山前路贏得清風滿袖歸

醉題金使君

壽昌扇面

三杯別酒病顏紅轟飲何須用碧筒雨欲留人留不得扇頭詩作石尤風

原州有唐太宗筆蹟石本破缺集字成詩

再到靈山道已成更邀方士學長生金堂玉室靜無事雲樹深深天樂鳴

雨中醉過鎮巖口占

惡風吹雨暗平蕪幻出營丘水墨圖青蕝綠簑扶醉

過暮雲官樹已棲鴉

題律上人軸

午倦支頤睡味長
綠荷風雨送微涼
營門盡日無公事
惟有山僧軸滿床

中元夜坐口號

村家最重中元日
白飯香醪作佳節
天涯病客獨未歸
北望松楸鬢成雪
笳鼓知時報閉門
小樓人靜月黃昏
悠然想得前山路
清磬依微出上元
雲影參差露氣寒
悄然無語凭欄干
分明雉岳山頭

月來歲今宵何處看

世味重經已年病
主恩三踏震方山
清秋露冕又何向
求我白雲紅樹間

蒼峯驛贈洪權兩生

一樹臨溪葉半紅
驛村蕭瑟峽田空
相逢盡是流離客
世亂何時返洛中

洪川贈主倅

夾水楓林映碧疏
秋光粧點使君居
憑欄盡日閑無事
細雨沙頭看躍魚

峴山贈南都事 鑑

自洲集卷之四
十一
經年行役到天涯筋力全衰鬢已華
賴有故人同作客一樽相對當還家

乾鳳寺書文上人軸

東南月出海雲深古寺杉松夾路陰
吾與老僧同不寐佛前殘燭照孤吟

次觀海韻贈乾鳳老僧

老僧行住只孤菴眉帶山光語帶嵐
今日為誰忙半日白頭旋節倍心慙

花津浦

逢暮登臨感慨生英雄千古幾留名
滄桑亦是須臾

事試見花津水底城

新溪洞

濤聲漸遠灘聲近日影未分雲影濃
仙源再到不迷路白石蒼苔尋舊蹤

新溪曉雲

行雲一抹闕青山山下楓林錦繡斑
恰似仙姬寶帳裏輕羅小扇掩嬌顏

圓通夜月

高秋一笛坐瑤壇風露淒淒鶴鬣寒
十二瀑前三五月世間能有幾人看

山映樓復用新溪韻

仙郎載酒入仙山錦石秋花萬壑斑
遇興三杯吾亦醉白頭仍欲駐朱顏

松林寺復用圓通韻

再到玄都道士壇山光依舊水聲寒
秋來處處皆紅葉却似桃花千樹看

摩訶衍贈萬雨上人

明朝約伴上毗盧定有山靈不負吾
問夜如何頻起坐月輪懸在衆香孤

贈珠上人

千峯秀色汎晴雲洞入圓通石路分
斜日晚楓紅映面紫霞仙醞不須醺

長安寺送申正言先歸復用雲字

海山初日闢層雲萬二千峯次第分
垂老未堪蕭寺別一杯官酒不辭醺

鑑湖次別江陵金使君

素

君馬騎時我筍登驛村微雨寺門燈
相思一夜頭成雪明日東南更得朋

清澗亭贈南都事歸襄陽

濤聲浙瀝海神廟曙色蒼茫清澗亭
此地相逢成一

笑明朝回馬峴山青

羽溪聞崔生悲歌

驛樓殘燭到天明壯士悲歌聽羽聲絕勝君家能賦
客寂寥黃鶴白雲名

神興驛贈三陟閔使君

應協

驛亭秋日對黃花海上行入政憶家三過竹西頭白
盡尚留餘夢繞天涯

秋日罷獵口占奉淮翁求和

天明吹角出轅門小隊先驅過別村緩帶輕裘齊放
馬射場南去是平原

次淮翁寄示韻

按使歸裝紅樹裏淮翁亭子白雲中遙知待我吟詩
處獨立孤舟滿袖風

申正言家小飲口號留別席上諸人

來趁黃花未落時西還不必一旬遲明年此會豈無
日吾在洛中那得知

夜飲戲占

旅病經年髮禿翁將行羞對妓顏紅浮萍閣上三更
月別後分明入夢中

贈淮翁

萬里嚴程萬死餘一宵牢獄一生初暗翁遠矣淮翁
病老向深山只索居時以備局有司堂上被詰灣上
還又被逮蓋緣緩送清陰之行

聞永安哭子口號

生無生趣死何悲爾未生時爾是誰病卧不堪終夜
泣此心唯有乃翁知

次元子建寄示四絕

螢爝何曾裨日暉暮年心計又成非誰知一夜松京
別含淚無言各把衣

右西行時

陰入

還丹無計駐年芳病裏唯思檢古方活法付君醫國
手藥籠元有萬金良

右醫書

不信今人讓古人三仁易地共稱仁聞君讀史多新
見曾見金元詰宋臣時有灣
上之後

男兒一死在須臾臨難何心敢愛軀寂寞千秋留斷
簡後人多事謾驚呼

右讀史

題真一上人軸

荒落園林近十年移花欲趁暮春天山中無限山茶
樹須遣沙彌帶土傳

春日與隣丈遊梅溪洞感懷口占

村落依倚半草萊身如華鶴獨歸來蒼松白石梅溪
洞到老過從復幾回

別永興曹使君子實 文秀

北塞行人幾日還龍興西去近龍灣咸關一帶連天
路到處皆為望子山 其胤漢英方被拘藩中故云

申別坐山堂後臺

谷鳥參差送好音薄雲斜日散輕陰巖花澗草深深
洞門外客來何處尋

別康津呂使君 爾載

金陵春草綠如絲每憶官橋醉卧時君去試尋巖下

寺僻問應有舊題詩

偶占

四月柔桑綠滿枝新蚕漠漠紙初移辛勤亦是須臾
事看取縑成白雪時

睡起偶占示兩鄰丈

午枕拋書睡策功日斜簾額影瞳矓悠然想得東鄰
會對坐吟詩山色中

天靳三春一漑叨朝朝出日看瞳矓商家六責休專
羨露禱宸誠感域中

報國元無尺寸功暮途身計愧瞳矓何時放跡平灘

上牛背橫簑細雨中

懸燈寺贈一行上人

嘉陵形勝世間無到處溪山似畫圖
道子傳神猶費日我詩那得盡情摸

贈印熙上人

晚飯山家石菜新相看一笑見天真
重來擬趁楓酣日爲問高僧頻不頻

還自懸燈喜雨偶占

半年炎旱八方同海渴山焦烈火烘
一宿懸燈終日雨此行真訝喚龍公

香石亭口號

野草油油土脉膏前宵一雨細勝毛
漁舟泊在青楓岸新水磯頭幾寸高

李監司養伯

培元

家有高君涉諸公江南酬唱之作
余詩亦在其中感而賦之

花月江南夢一場舊遊零落幾霓裳
慙君篋裏詩千軸醉筆欹斜不作行

別崔賓客

惠吉

馬上鏡歌出塞聲龍灣西去是新城
回看渤海連天碧想得當時奉使情

崔於丙子前由海路朝天故云

戲次揚道一

時道一罷官家居

遯湖老仙絕塵事白首放浪山水中冬雷昨夜卧龍起明日安知凌太空

冬雷記實

次汝固送文衡硯詩韻

攝官前後儼非倫衣鉢家傳媿昔人自是齊門容竊吹世間誰復賞音真
文盟曾許海翁先心印宜從鄭老傳大硯摩挲懷大手重來薊子莫經年

附原韻

父子文衡事絕倫成蕃仲後更無人青氈今復君

家舊世羨絲綸自有真

重忝宗盟愧祖先今將遺鉢屬君傳天開地裂回春意倘是曇花再瑞年

此時此任此詩此物皆是文山夢中好事幸勿說與他人也
德水李植拜

夜酌次示朴中丞

遜

浮海初心慕幼安向人三拜笑方干如何白首趨晨漏啜得煎茶雪水寒

挽崔大容

結髮交情到老深
斲時離別亦傷心
誰知轉眄成千古

古永作高張夢裏尋

感恩知己數行辭君亦看時涕自垂結在肝腸銘在骨此懷從此更論誰

兩家喬木一川分江搃才華早出羣依舊青山茅屋在春來何忍子規聞

忠規長記石吟詞舊約寧忘企老碑哭奠單杯君不舉九原他日又交期

夢作

抱病江城臘雪殘日來消息隔長安今聞節使辭丹陛政想遼河客夜寒

永安第口號贈鄭使君

云

谷口幽居晚計存竹林長日獨開樽君歸若問吾消息多病年來簡出門

鄭是畸翁之姪

弘濟橋餞尚輔

一行再別何曾有我勸君酬可得無弘濟橋頭腸斷水夕陽嗚咽與人俱

寄題白鷺洲楊道一新居

身如白鷺洲邊鷺心似白雲山上雲孤吟盡日不知返雲去鷺飛誰與羣

雨夜

急雨懸簷沸萬鈴漏天如注夜冥冥村鷄五喚街鐘
動不見東方一點星

別長水李使君 大奇

秋日聯翩五馬行江南山水舊聞名文園病客偏傷
別閉戶孤吟白髮生

壬午秋夕以 光陵獻官祭罷口占

虎踞龍盤氣象深萬山松栢夜沉沉西當落月鶻聲
起白首孤臣再拜心

江上示李士謙 行進

洞庭歸客過瀟湘江上相逢故意長蘋葉蓼花秋色

晚醉眠篷底月如霜

三清洞司馬同年會

百百人今六六來離筵又把送秋杯蒼松白石聞吾
語此後重遊得幾回

上元日渡江宿湯站次東淮韻 以五臣入審時

十分遼雪一分殘甲帳無風亦透寒藉草孤眠成小
夢午門燈燭月團團

次清陰韻留別

孤坐無言對夕暉音塵咫尺隔重扉分明夢裡陪遊
樂覺後餘香尚衣

關河千里拜 重暉贖得殘骸返故扉
捻為分携腸已斷更將何淚拭朝衣

附原韻

寂寥孤館日斜暉 病客無聊獨掩扉
千里同來不

同去天涯芳草益霑衣
涖城樓觀映春暉 處處青楊護赤扉
遙想歸程一千里落花香絮繞征衣

清陰

清明日示清隱

李公敬與號

寒食清明次第過 故園歸計轉蹉跎
何時放馬遼陽路直渡三流八渡河

楊浦東西隔水居 百年同恨未歸歟
河豚欲上蘆芽短須趁春江穀雨初

示清隱

塞天春日冷如秋 斗屋深居擁弊裘
休道罰金仍削職與君新作睡鄉侯

狼子山

狼子山傳駐蹕名 文皇何事遠經營
三流八渡重重水故國歸人亦苦行

車輦館次直夫韻

世間艱險備經之 春日停車野水湄
乘輿莫愁前路

遠好花開處盡佳期

林畔次直夫韻

官路蕭條大海頭年年依舊水西流
浮雲蔽日長安遠不但孤臣戀闕愁

千里同隨不暫離行時聯騎卧聯帷
如何一夕迷歸路咫尺盈盈費夢思

練光亭送許次予啓先歸

江水無情却有情風波不許放船輕
如何白首同歸路竟負青春作伴行

滿月臺

孤臣萬死再生還覆鼎三峯入望間
何似柵門初出日九連城畔見龍灣

柵門在鳳凰城外

次日哦亭韻贈張經歷仲仁

得歸為幸敢言遲客舍逢君亦一奇
秉燭相看真似夢却疑萍閣把盃時

張曾為江原都事時每會于浮萍閣故云

千金散盡始還家贏得孤臣兩鬢華
珍重故人多故意一樽官酒滿庭花

香石亭贈主人李監司養伯

雨足郊原草木柔含生無不荷天休
憐君獨抱庄時略飢卧空山白盡頭

寄別海伯朴尚之 蓮

日高鷄樹影參差
奏語從容出殿遲
藹藹都門瞻送地
定教車馬駐多時
晚來離思轉依依
燈下題詩雨入衣
咫尺河橋千里遠
可堪他日寄聲稀

崇湖訪分沙李相

積雨連旬放一晴
暑風剛透袷衣輕
江空野濶行人少
遙見孤舟盡日橫

申平城 景禎 返哭感而口占

平生韶曲亦蕭條
劍舄先歸馬不驕
忽憶去年風雨

夕共誰觀獵灞陵橋

次題東淮畫帖

曲欄高處露簾鈎
不是秦樓即寺樓
樹影初疑中隱

月江光忽似白雲秋
東淮所居有中隱寺白雲樓

綠樹深深春已歸
青山遙對水簾飛
題詩肯似徐凝惡
盡日沉吟不下磯

獨坐偶占

草鞋藤杖似僧居
一枕清風午睡餘
老子禪機差已熟
不關糟粕滿床書

松溪示諸學士

白州集卷之四

三十一

山外斜陽半露痕夕風吹雨過前村何人效得營丘
畫狀我披簑擁酒樽

次清陰韻却寄

往事思量鼻自酸閉門深巷蘚花斑上林白鴈空傳
札天遣蘇卿幾日還

復次前韻寄遲川

世味嘗來梅橘酸閑情付與鷓鴣斑已聞秦地烏頭
變日望遼河馬首還

秋日閑坐東淮與吳汝完竣並至成小飲半酣
各有五紙草書皆得意筆也詩以謝之

偶然佳會屬新晴誰遣鍾王並世生健筆須臾空白
紙落花飛雪滿堂驚

當軒落日放秋晴忽見雲烟席上生喜得晉書為世
寶慙無謝語使人驚

題唐畫

青山如黛水如油竹色荷香共一樓好是江南佳麗
地向來元有隔生愁

別關東韓方伯興一

原營無饑不堪留海邑多風未放眸只是蓬山遊賞
後沆波烟月度三秋

挽趙生汝瑚

駱山秋日下依依衰草寒烟繞短籬此是每年携酒地不堪回首獨沾衣

聞分沙遭火恐戲寄一絕

祝融為戲不為灾依舊青山入酒杯自是相門清似水雨師隨後洗餘灰

寄子時

清川西望藥山臺却笑三年再往來九月邊城寒事逼何人折寄一枝梅子時方謫居寧邊

高原李太守珂送一鷹詩以謝之

隔溪殘雪映疎籬每憶春郊共獵時忽有山童傳遠信奇毛一尺錦離披

寄子時

子時量移過揚湖

山人傳到小詩無我病冬深尚未蘇咫尺江郊孤夙計莫言關塞是長途

病中聞子容將南遊擬贈

人言洲病甚畸羸兩老分携奈後期貯火焦腸消已盡今朝忽有淚生滋

甲申元日示子容

君隨春色欲南歸我似殘星到曉微手酌屠蘇為別

酒人間此會百年稀

題霜臺稷帖

霜臺別曲太平年好事唯憑畫裏傳白首重來叨上

席發中風采媿諸賢時為都憲

甲申又以貳帥陪 世子入藩三月十六日渡

灣夜宿狄江是日乃生朝也

去年今日沅清川把酒思家却悵然何況狄江沙上

宿夜寒風露不成眠

統軍亭口號示金按使世濂

龍灣三月草新青白首登樓望北庭漠漠海山氛稜

裏祥雲一朵是前星

迎春堂復用前韻

龍池柳色已青青夢裏分明到 闕庭刁斗一聲驚

客枕曉窓殘燭對殘星

川上偶吟

春來長作有情癡客裏風光不到詩醉睡沙頭君莫

笑却勝南澗獨遊時

三月龍灣始見花春光隨我到天涯臨江一醉非無

興只為年年不在家

迎春堂謾題

盤中蔬甲是新嘗
窓外桃花非故鄉
去路客為來路
客迎春堂作送春堂

安興館偶占

大定江頭逢暮雨
安興館裏把深杯
勞生宿債何時
盡來徃如今十六回

甲申端午省墓時
歷入香石亭
其主人李監司
養伯氏把一團扇云
此故李判書重卿所贈
也陳舊而不忍改
常在手中願得台一絕
以識之余感而賦之
題其扇面

忍將新扇換蒲葵
手裏清風宛舊時
况與謝公塚咫尺

尺屋梁明月亦同規

李判書庄在相埜地故云

士謙求驄巾戲書以贈

驄巾能住絕纓風
此物偏宜老秃翁
露頂閑居長謝
客欲將金紫盡輸公

宿奉恩寺題法心卷首

新殘舊軸忽成堆
各說公門到幾回
我倦惟思借榻
睡此行非為賣詩來

贈性立庚師

現世俱當乙未年
相逢一笑兩依然
丁寧莫負懸燈
約了盡三生石上緣

東湖舟中留別舍弟

江頭人與柳依依過盡楸灘鴈亦稀
可是西湖同一帶東來明月奈分輝

時將往西湖亭舍而舍弟方被謫不得偕行

次清隱在瀋寄來韻

遼河昔日鴈為羣共宿寒沙到夜分
今與誰來與誰去來何所見去何聞

次君奭寄示韻

遼河風雪昔追從西望燕山夕照春
八渡三流無限水不知何處更朝宗

夜飲示士謙諸人

竹籬瓜蔓似山家粧點秋光有蓼花
時與故人成小酌暮年閑興亦堪誇

門外張羅翟尉家庭前猶有四時花
愧無佳釀留君醉戲把新詩向客誇

趙漢原

昌遠

筵宴席口號

終南甲第醉相過近席黃花艷綺羅
最是中秋纔缺月比他三五却還多

別關東伯南澤之

銑

曾拓原池結小亭為當孤島揭浮萍
秋來一把茅新蓋可作花時按使廳

嶺西幽勝最洪川，入峽初疑小洞天。
觀水泛波皆有作，邇來添得幾新篇。

清平山欲渡江來，白玉芙蓉面面開。
老子當年還有興，滿船笳鼓夕陽回。

新安以後欲無詩，詩拙山靈必笑之。
天乙臺中多少味，當時只有一僧知。

萬瀑百川山內外，七星三日浦東西。
縱使呼為笑博，七等閑文字不曾題。

北臨叢石上懸鍾，南過仙槎到月松。
一帶鳴沙海棠路，白鷗能記七年蹤。

月封山海八珍餘，分餉陳人定不踈。
最是昭陽移石約，故情那忍待申書。

先隴碑石在昭陽南公有運送之約

寄題東郊李生草堂

十年漁獵遍西東，郊外親知半洛中。
最愛君家幽興足，滿田禾黍滿山楓。

深杯到手莫辭頻，林下重逢亦勝因。
他日暮歸僧院路，叩門應笑不應頻。

題沈僉正暉東郊草堂示玄洲

田間小雨豆花深，步出西籬坐樹陰。
青蒻綠簑歸路晚，一杯還向別時斟。

附次韻

赤葉黃花秋色深
茅簷蘆箔夕陽陰
繞收香稻成新釀
留客開尊滿意斟

玄洲

會稽孟秀才榮光遺一幅畫自筆也感其高誼

詩以謝之

西河風雨散萍蹤
夢裏依然玉雪容
一幅題封千里信
丹青何似故情濃

以五臣在藩時孟是舊識故云

謝清陰

回鴈從今定不頻
銅龍西去已經旬
誰知海上餐羶客
尚記人間負債人

洪丈勉叔得清隱在西河所寄畫軸求我詩甚

勤清陰清隱並有作在軸上感而次題

東館題詩對夕暉
可憐肉去不同歸
烏頭未變秦關

暮獎盡秋風季子衣

右次清陰

三絕元來世共珍
素衣終不染緇塵
題封自有丁寧

意豈但同為奉使人

右次清隱

韓生自瀋館清隱所來袖出一軸軸有清陰遲

川清隱詩韓是五臣北行時同行者為題一

絕以贈之

日望遼河漢節回
憐君獨與鴈先來
他時軟脚終南

會語到前春又一杯

甲申九月望道章生朝余以病未赴江樓之會

聊寄一絕以證後約

天心應為楚臣寒一會分成兩日驩縱久樓頭端正
月不妨風雨對床看

金正郎光燦以陽生前一月向龍灣候清陰相

公之行生方抱寒疾未成郊外之別不勝黯
然時有相公放還先報作一詩以贈用相公
前日寄來韻

灰飛新館應新暉海上蘇鄉握節歸想得沮江風雪

夜錦筵紅燭映斑衣

風雪抱病伏枕龍潭李使君時苾來過與使君

關外相從已六年事矣久濶之餘又作此別

病懷尤不禁惘然家貧無釀市遠莫沽只以
病人所服沉門冬數杯為別草草可知也

並馬銀山玉海間吾猶未老子韶顏珊瑚碧樹仙人
館清夢時時獨往還

天門冬酒只三杯小酌那堪別恨催君到縣齋應一
笑臘前新釀雪中梅

萬壘雲山擁縣居二南清淑氣扶輿禪宮道觀知多

少不有高人異書

雪後寄懷道章

碧落仙郎謾謫居黃庭字誤不關渠梁園雪後寒多
少昨日人來未見書

甲申臘月初一日余與白軒同受東西巡將之

命余宿於二所許沃予乘夜來過沃予即數

日前巡將也新舊將對坐驩話至三鼓乃罷

亦近來所未有之事朝日到闕門白軒先

有詩次其韻並奉沃予求

和白軒李公
景奭號

巡牌受納趁朝曠歧路東西馬首分自此廳中傳好

事今將軍對故將軍

除日次寄道章

節日思吾厭市魚冰江得雋歎離居椒盤寄設銀絲

鱠滯氣曾中覺盡除

道章寄一
大魚故云

題湖淨卷首

晚卜嘉陵水石磯盡中烟樹看依稀芒鞋竹杖春無

恙願與高僧伴歸

松橋送一相赴金堤任所道章亦自松楸來會

旋還配所時有小雨

漏雲殘日適陰晴沙岸蒲芽半欲生莫恠病翁權緒

少此來非送又非迎

雨後輕陰不作晴
水風吹面夕寒生
人間聚散還堪
笑纔欲行時却有迎

題中朝八駿圖

秋日金臺滿橐駝
白雲黃竹夢中歌
天閑八駿終安
用不及唐皇有一騾

立春

視官無錯聽根修
膈氣全除後疾瘳
飲食復常腰脚
健四時漁獵任吾遊

挽汾西

兄弟相隨拜父母
地中還似世間無
君歸細報吾消
息令妹逢君必問吾

白洲集卷之四

白洲集卷之五

五言律

踏青雨

三月踏青雨小桃花未開芳菲苦不早時序暗相催
寂寞文園病浮沉畢卓杯柴門終日掩猶怕俗人來
自西湖將赴南鄉適聞李行臺重吉惡有燕山
之役臨發書短律為別

屬我辭金瀨聞君向玉京不緣方對壘何恨遽登程
風待延陵辨雲從太嶽明吾儕元許國此別莫關情
夜酌呼韻

白洲集卷之五

白洲集卷之四

三十四

林短山當戶庭虛雨撲簷暗燈花欲墜枯硯筆初拈
枕愛江聲聞衣從竹露沾流螢如有意故近疎簾

中秋對月有懷

月轉空簾過青梧覆井欄一年今夜最四海幾人看
霜觀冰除淨瓊樓玉宇寒相思川路廣消息隔雲端

挽朴生

弘基

傾蓋休言晚相逢即故人杜陵方出郭三翰始同隣
風雨漁村夕烟花酒店春音容如夢裡垂淚暮江濱

次北渚寄岳君韻

江海多飄轉湘潭足別離功名兒輩得意氣我曹為

弱草含風葉孤松帶雪枝相逢復爛醉莫作楚臣悲

即事

此是堯天下曾經舜太平山河終不改文物幾回更
夜彗群星沒冬雷萬蟄驚聖人今罪已明日鳳凰鳴

過孝陵

古殿莓苔合空山草樹深斷橋初下馬斜日獨沾襟
劍鳥看如昨謳歌聽至今小臣生不早誰識拜鶴心

春日行聽松堂舊址

勝地家何在遺墟客暫行寒鴉山畔起暗水草間鳴
阡陌纔尋逕巖巒不記名春風如有意吹送暮松聲

卽事

庭際開三畝新葱種數莖今朝微雨過不日細芽生
鷄鴨來仍啄兒童踏又行疎籬勤蔽護斫取棘林成

客至

睡起窓全曙春庭靜日華露含新展葉風落舊開花
屋角蛛絲捲簾頭燕影斜時因載酒客自擬子雲家

送吳肅羽以陳奏使書狀朝京

玉塞添兵日金闈簡使星只應修禹貢何必哭秦庭
奉主心常赤防身劍獨青羨宅吳季子生得拜天扃

四月雨

四月黃梅熟千家綠柳深短簷聞惡響高閣結層陰
輓起寒荆色難蘇暝葉心春來江漢濶何處蟄龍吟

哀金將軍應河

四海無雙士三韓有一人大名垂宇宙正氣作星辰
忼慨唯吾輩綱常獨爾身神兵應勦虜西去賀楓宸
舍弟生朝遣懷

撼屋風聲壯當窓日影斜無錢沽白酒有客寄黃花
病肺宜高枕傷脾戒飲茶誰能載我去直到卯君家
直廬曉起

紫殿霜華薄青綾曉色寒疎星伴月落促漏報更殘

省裏鴉初起人間睡未闌少年江海志羞殺侍臣冠
直廬夜坐

蓬島迷雲氣官曹枕席清寶書森滿架蠟燭暗銷檠
硯借金盤滴茶宜雪水烹沉沉萬戶靜時有下簾聲
次持國韻

濁世知音少窮途會面稀偶乘西傳馬先叩北山扉
齋戶青烟起漁村白雪飛慙同社約它日莫相違
附原韻
飲啄殘生困逢迎好客稀故人驅使傳乘輿到林
扉把酒燈花落論詩雪色飛別君當歲暮寥落寸

心違

持國

陽智縣齋

野館風燈亂山城曉角寒泉聲來枕上月脚下林端
嗜酒仍成病逢場且盡歡供詩饒物色前路幾停鞍
醉後復用前韻

野菜登盤細官醪醮甲寒客心懸日下家信隔雲端
楚澤三年別平原一夜歡自憐多病後無日卸征鞍
冬日渡漢江馬上口號

鮫室梭應罷靈妃瑟未操長河成大陸積雪壓層濤
不借鼉鼉力無煩烏鵲勞終南者漸近落日數峯高

除夜示姪兒

合眼憑烏几兒曹任汝為自從多病後不似少年時
博塞元無興杯觴近欲辭無因消永夜劈紙強題詩

平山道中

古縣清朝發譙樓粉堞高春冰溪路濕曉雨野田膏
日月催華髮山川入綵毫慙無醫國手撫字只心勞

挽梁平山應洛

濁世看清裁窮途見素心身名三獻玉聲價四知金
驥步須千里鸞栖只一林無人懸古劍春雨暮山深

黃州道中

草際驛亭小柳邊官路平笙歌穿故國鼓角近邊城
社稷偷安計村閭寒乞聲似聞哀痛詔昨日下午三清

車輦松壇二首

散步松林下春郊夕望開樽罍移曲砌紅粉繞平臺
岸幘涼風過披襟好月來為君拚一醉隨意卧青苔
曠澤春陰薄平林夕霧開天低出塞路地盡望鄉臺
海雨銀牌落邊風畫角來羈愁無處遣拂石坐莓苔

代贈

掩月愁顏破回星淚眼開三年秦女石一夜楚王臺
不道青蛾老頗教白鴈來貞心猶不信求我井中苔

醉後口號示席上諸人二首

寒草蕭蕭白胡山隱隱青雲橫華表柱日落統軍亭
野菜登盤細江魚入箸腥夜深人欲散風露不禁醒
水暖蒲芽綠春深柳眼青連天皆去路此地即離亭
隴樹橫烟直江風帶雨腥相逢須爛醉不效楚臣醒

環碧堂次家尊示李替畫時發韻

野濶天疑盡山空日易傾相逢俱絕塞此別即長程
祖席笙歌咽官齋枕簟清明朝秋葉散何耐獨歸情

次西砲樓韻二首

絕塞華夷界雄關上下牢寒聲來盡角暮色入層濤

山拆南滇濶雲橫北漠高古今形勝地爛醉幾人豪
海內銷魂處天涯送客亭江分夷夏界山擁鳳凰城
玉塞輝卿月金臺閱使星憑欄舒一嘯千里暮雲平
浮海向安岳遇風

欲向何方去還從此地來月沉孤嶼遠風劃大帆催
世固無人惜天應莫我猜湏臾波浪靜簫鼓下山隈
安岳郡齋

故郭圍荒野青山近海門夕陽芳草路啼鳥落花村
旅夢憑烏几歸心對綠樽少年長作客愁絕不堪論
發安西向白川

風雨江西寺烟波御史橋鄉關繞百里旅館尚三宵
辦事才應拙蘇民計或饒檀公有上策身世任漁樵

江亭次諸公韻

范老先憂日温公獨樂時古人俱可尚易地則皆宜
易退由難進居安亦念危江村無限酒誰為細傾之

即事

午枕驚飛雨秋聲碧樹來遠書歸鴈少流景候虫催
剥啄因奇字優遊任散材但教身健在料理淺深杯

留別持國

不見矐髯客吾將灣上行銷魂已此日回首幾前程

積雨榴花落高秋梧葉明去來俱物色詩就屬誰評

口號

秋氣日蕭瑟單居誰與羣流螢雨後見歸鴈夜深聞
觸物詩多料消憂酒策勲田間逢暮獵愁殺舊將軍

春帖

紫殿朝儀闌彤墀賀列分日高旗影轉風動珮聲聞
盤滉三清露牀低五色雲相如方視草詞賦孰超羣

次玉堂韻二首

曙月縈窓細寒雲過殿遲松聲來後苑梅影落前池
睡起仍黃卷公餘詠素絲春山長入夢歸及種花期

院院燒燈後門門下鑰時還如僧入定却似客違期
簷豁流星遠庭深過月遲因風聞玉珮遙自鳳凰池

大殿春帖居首賜引

日轉青臺靜雲深紫籞平春幡簪萬戶天榜揭三清
蕙焚堯階變簫韶舜樂成從今高閣漏添得幾新聲

寄贈林東野坤

方丈神仙窟孤山處士家有懷遊汗漫無夢到京華
染筆梧桐葉拘衣枳殼花還嫌勾漏令朱紱鍊丹砂

次揚 天使詠山亭韻

自天雙鳳來特地六鰲開隱約黃金界玲瓏白玉臺

風烟入驅使雲漢倬昭回最是隨車雨洪恩遍草萊

送謝 恩書狀代作

好去同庚老人間此路難以吾纜往返念爾亦間關
落日胡笳近孤烟野店寒依然舊遊處傳語薊門山

端午帖居首

寶仗森丹極祥雲藹紫微正當端午節初換尚方衣
日暖晴旗靜風輕畫漏稀微臣叨虎拜拭目仰重暉

送吳肅羽從事

才大還為累無官且未閑西來纔幕府南去舊江山
名豈因人著詩應待我刪懸知別後夢日夜海雲間

寄贈鄰生遊又溪

悵望又溪上清樽知對誰當吾無好况適子有佳期
未報臨門意深慙許馬時天陰應早罷歸路詫新詩
送高君涉從事

江漢乘槎客轅門載筆臣世間唯我輩幕下復何人
蜃閣通雲氣譙樓倚月輪遠遊俱物色詩興較誰新

巴山縣以體府從
事巡海時

晚飯巴陵縣秋蔬淨短葱孤烟界水白斜日闌雲紅
取酒宜無限題詩笑未工乘潮來往熟不怕石尤風
井浦

遠戍輕烟畔孤城積水中海山晴似雨汀樹晚多風
橋斷衝泥過崖崩疊石通村官身手好足見海防雄

鎮海樓

天險江都府其為保障哉京師百里近舟楫萬方來
夜雨魚梁淨秋風鴈陣哀竒遊仍勝地高坐引深盃
過安山寄持國

行止非吾有相思奈爾何常期枉道入誰料望門過
昔疾今良已新詩近益多依然三載路傳語舊山河

曉行

馬入曾行路鷄鳴已過村殘星兼遠火高樹隱平原

多難身何補長程病未論秋風江海濶魚稻憶鄉園

贈人

乍別長淮岸重逢弱水濱况兼賢太守同是舊相親
古縣秋槐冷中盤野菜新蕭然成一醉稍慰走風塵

挽申文化內

可是吾賢姊居然漢大家杯筵常酒食樓閣自烟霞
煉藥秋灰冷吹簫曉月斜從宅五馬貴仙路未堪誇

朝宗峽中

嶺石秋如錦山雲晚不收一川餘十渡五步欲三休
堆突蒸麻窟欹斜味雀樓只應深峽裡猶未免誅求

曉霧

遠望平如海前來漸若空自然衣袖濕非為露華融
乍轉瞳瞳日方生浙浙風復更陰翳盡川陸辨西東

贈金伯厚

堦

細路黃茅裏長流亂石間羨君能絕世等室此深山
白粟堪充腹黃精且駐顏應憐病從事戎馬未曾閑

挽趙大將

晚節辭雄鎮樞曹帶將壇威行三輔肅令下一城寒
攻剽推埋地黃昏白赤丸誰能重東濕大樹日摧殘

挽寧山君

數年前白沙李相國先生寓居東湖之亭舍
某嘗一再造門先生為我道主人賢津津不
已一日先生與主人公獵于東郊某亦從之
烹酒班荆遂有平生之歡日月曾未幾何而
先生已不幸公又下世矣悲夫其葬也作二
首詩流涕而寄之

並馬東門外呼鷹日暮歸風流今寂寞魂夢尚依稀
細雨青莎濕滄江白竹扉平生載酒處回首幾沾衣
濁世佳公子翩翩第一流輕裘灞陵雪橫笛寶津秋
留像凌烟閣藏名賣酒樓明年春草綠零落只山丘

月先亭贈灘隱

灘隱石陽正號也

萬壑松聲裏王孫此靜居家無魯公帖案有杜陵書
獵手調新鶻溪人薦小魚何如寶津會來往染塵裾

飛鴻館

鴻山

早發飛鴻館藍田驛路長雲紅朝上日草白夜來霜
短夢憑鞍續歸期屈指忙鄉書書已久無使向咸陽

永保亭二首

悄悄還如夢依依似有期日沉前島竦風動遠帆歌
地勢西南缺天根上下疑仙居應咫尺笙鶴月中宜
旅枕驚寒柝重城報閉門輕烟迷海戍遙火認山村

撥興看孤劍寬愁賴小樽遺篇如可續一吊翠翁魂

蕊秀山次尹陶齋賜韻贈鄭使君二首

地主能相送劉郎今又來夕陽山下路芳草水中臺
且作厭厭話因斟淺淺杯陶然不知返隨意坐青苔
山館春宵靜梨花霽月來相要莫逆友同上最高臺
詠罷馮驩缺宵亮阮籍杯沉冥真得計封印任生苔

汎青州海

曉日生春渚雞聲到海船白知鹽戶井青見牧村田
毒霧常如雨驚波動拍天蓬萊非異路此去訪群仙
家後理小圃朝夕供出此戲為短語

小圃依山麓殘渠借井流朝朝沾鳥露滴滴滿筐秋
性冷宜蘓肺津甘可沃喉何郎同一飽不用萬錢羞

挽一松沈相國喜壽

內使將銀鑰三更下玉墀適當持被日親覩遣醫時
晚節真無憾殊恩實在茲終然邦國瘁何但哭吾私
憶舊遊

隱隱中興寺冷冷山映樓昔年遊此地一卧散千憂
舊跡詩能記仙源夢獨求佳期嗟易誤紅葉為誰秋

送黃海柳都事汝弘

士望驚調外官遊喜返鄉青衫仍彩服蓮幕近椿堂

綺席繁絃咽花戩醉墨光金沙有遺恨歸夢付君長

送白川南使君斗瞻二首

昔醉銀川酒晚登金谷樓踈鍾臨水寺殘月過江舟
鷄薦叨三列龍光讓一頭依然舊遊跡付與錦囊收
又過椰榆路何時人送余自憐遊羿設恭賀奉潘輿
野雪逢回獵江燈見刺魚湖居連一帶書信莫令踈

挽權佐郎得已

汨汨皆如許亭亭比獨幾力微衣不勝誠切日能揮
白首初心苦青山後事違平生遇遯草無復徹重闈

送尹御史樂天順之以備郎巡檢嶺南

久帶籌邊局新兼御史臺此行須着力何事不關
才飲爵湘潭橘閑吟庾嶺梅南鄉多舊識先問楚臣
哀

迎祥居首

政屬三元節初回九十暉青臺聞漏水玉琯見灰飛
瑞色明仙仗香烟傍御衣瑤池銀燭亂扶醉侍臣歸

春帖

歲律葭灰換春光柳眼多宮壺沾法酒仙樂聽雲和
欲盡龍墀雪初生鳳沼波微臣擬獻頌搗筆愧陰何

召公臺赴嶺索時

白州集卷之五

十三

積水南溟近遙山北極來天晴鬱陵島日落召公臺
王事身仍病鄉書鴈未回東風吹客袂歸路海棠開

挽洪海峯命元

士望徒虛語天心亦謾推公今二品止人固百年期
惜矣經綸手森然玉雪姿此生惟此老餘外幾男兒

子夜春歌月課

庭草謾多露堦花誰為香露如今日淚香似舊時粧
夢去關山近愁來春夜長微風入羅幙斜月照銀床

別竹陰光山之行

用舍君何有升沉我未知時清猶此別地遠倍相思

秋橘湘潭詠春梅庾嶺詩郵筒雖不隔樽酒若為期

端午帖

遲日宮槐暖和風御柳陰江心百鍊鏡天上五絃琴
願戒終猶始復思後視今獻身仍獻祝千載有張箴

送張元帥晚出守松江

八道都元帥雲臺第一名自言功不早入道賞還輕
參佐皆新望旋麾且舊京向來推轂意宸簡果神

明

別三陟李使君

一宿真珠觀平生夢裏遊川聲涼似雨山氣晚如秋

別浦團團樹鳴沙點點鷗當時不盡興輸與醉遨頭

水浴山次僧軸韻

天半孤烟起遙看寺後峯斷橋初下馬斜日獨扶筇
緩步綠溪路微聞隔岸鍾老僧迎一笑相對愧塵容
挽白玉峯光勳內

筆自鍾王法詩能正始音高才傾八斗隻字重千金
碧海文星落冥途古劍尋傳家舊業在春兩橋林深

送黃澗李使君碩基

小縣城如斗秋山擁晚青露花寒暎席風澗夜生壇
客至評碁譜僧來問法經時分松底菌一洗市餐腥

登瑞石山贈高君涉

瑞石聞名久今來發興新天晴十日雨伴得一生親
落日西臨海歸雲北望秦重尋明有約留語桂花春

別鍾城李都護景容

都護鍾城府 經筵舊講官 聖心徒得重軍政務
為寬衡浦書來少關山夢到難少年含笑處垂淚却
相看

簡謝寧海

嶺路行人少天寒尺素遲誰為子公力又與阿咸離
悄悄無歡緒依依入夢思分明前夜雪東閣有新詩

簡謝興海

苦憶興城守經秋不見書今朝承問訊近日好官居
遠貺兼藤簞珍羞領鰕魚無因把杯謝東望意何如

簡謝伊川

安穩俞監務天寒峽雪深世情看漸苦身事病還侵
一別將經歲相思謾費吟何緣隨返鳥文火煮新蓼

挽李知事

時發

未赴軍書辟長懷國士恩還珠猶墮涕臨挽倍傷魂
益復憂西事誰能護北門曾觀出師日百里不聞喧
送咸陽李使君

嶺邑皆形勝咸陽最擅名山連智異寺水接岳陽城
攬得清冷氣陶成正始聲如逢北來使寄與病夫評
同持國汝固遊企齋舊臺次汝固韻贈大容詞
契

為赴陽元約仍携謝眺歸短牆從八草吳石見生衣
真契偏多感幽尋且莫違依稀芳樹塢明月有餘輝
次東岳韻題僧卷

遠巷無人過深春抱病危逢僧多舊識索句若前期
草合緣溪路花明近席枝目渠問楚客一憶一含悲
題東巖草堂

地號小皆骨家鄰道聖庵谷深風習習林靜鳥喃喃
白日明書幌青山近竹簾花時重有約携酒上東巖

聞子規

始信村居僻初宵蜀魄聞依依小窓月漠漠上林雲
剩得詩添料難教睡策勳丁寧如有意催我返耕耘

次呂春坊甫徵寄示韻兼奉玉堂三首

玉署聲名重春坊地望高病臣同禁直良夜接仙曹
乾沒違心力沉吟愧鬢毛分明江海夢烟雨長春蒿
細漏如相語官燈照壁單月沉烟樹合風定露花安
藥裹新經病杯筵久減歡推敲亦多事跌坐睡蒲團

萬戶收銀鑰天階夜月高侍臣乘逸興緩步到閑曹
報主慙微力觀身等一毛遙知江上等蒲筍間萋
蒿

簡謝羅州倅

四月江南雨黃梅欲熟時多情柳刺史遠記李參知
雪白溪藤束風清湘竹枝摩挲非為物持此慰相思

次騎省壁上韻

病起添春瘦公餘任晝眠名途真曠外樂地是尊前
輕薄隨風絮參差出水蓮天機日相代榮悴儘堪憐

次院中韻留別

以承旨奉命闕西時

此行亦千里此別難為情
秋日照宮樹火雲燒驛程
東西盡省直大小朔州城
何處頻回首相思淚滿纓

寄呈清陰

為問朝天使何時欲上船
吾行雖倦矣舊約敢忘
旃近趁箕都月遙期薩水
烟却愁相見地一宿又離
筵

附次韻

鯨海千重浪烏檣萬里船
孤征慰顏爾嘉客喜逢
旃玉轉瑤琴軫花生錦燭
烟風流隨處在莫恨是
離筵

清陰

練光席上贈夢賚

絕塞將 王命高樓對酒缸
千年箕子國七月大同
江潦倒身仍病飛騰氣未
降山川滿眼濶還倚筆如
杠

將發車輦口號贈安使君令丈

昔赴征南幕同吟行路難
中年千里別此地一宵歡
急雨松聲亂孤燈篋色寒
深杯出深春留飲莫留殘

贈灣判

學士今戎服行人且盍簪
旅情身已倦王事髮先侵
絕塞三更柝孤城八月砧
春來青瑣闥重荷 聖恩

深

別崔子迪 惠吉之 松禾

直士言多敢明時退亦榮官無簿牒閑地接海山清
節序重陽逼郊原萬寶成優游真得計離別莫關情

送大同李督郵 後

謾道西郵重終非得意行依依去國路脉脉望雲情
親愛驚離合踈慵廢送迎題詩殘燭下寄趁早鷄鳴

挽閔叅判 汝任

偃蹇風塵際優游進退時居然清白吏隱若老成姿
契許非曰戚驚呼豈為私川塗衣帶隔永負巨卿期

拜辭日次谿谷韻 出率南

江雨曉沾衣驅車南出圻野橋沙草細官路柳風微
萬寶秋將熟千溪水政肥逍遙多暇日休道賞心違

附原韻

零雨濕征衣熊轡出近圻中年別懷惡亂世宦情
微秋柿登盤早霜鱗八網肥送君翻自笑行止寸
心違 谿谷

鳳林寺

馬上得佳句八門僧乞詩初携兒輩至偶與獵人期
紅葉此山樹黃花何處枝溪邊烹白酒前路日沉時

衙罷向寺

衙罷適無事獨尋孤寺行
海山青靄合官樹白烟生
洗酌石泉淨題詩秋葉輕
蕭然不知返僧飯暮鐘鳴

九日二首

刺史秋多病官庭生綠苔
今逢孟嘉節獨上杜陵臺
白髮從吹帽黃花可泛杯
山川政搖落回首意悲哉
新酒夜初熟故人今適來
共尋芳草去仍待獵夫回
隱隱鍾聲起蒼蒼海色開
莫愁山日暮留與月徘徊

郡齋夜酌次汾西二首

不飲奈君何相逢古意多
涼風動官燭微雨落庭柯

下筆見佳句擊壺聞短歌
從知海壤僻幾月幾經過
草木日搖落蕭蕭江海秋
寒蛩和客夢流鴈喚人愁
邑有陶潛秫山宜謝朓樓
使君無事飲曾見似儂不

海曲

海曲殊風狹經霜草未凋
有村皆種柿無水不通潮
漁市依鹽井商船隱浦橋
使君頻出獵應為採民謠

次弘法僧軸

衙罷閉門睡清風吹滿襟
僧從何處至寺在此山深
高唱誰能和虛名爾亦歆
開樽成一醉索筆且長吟
弘法寺書贈席上諸丈老

海草春先綠山雲晚更多襄陽耆舊會暇日使君過
隱約招提境依稀禩藹歌歸途逢暮雨驢背倒漁簑

謝洪益山來訪

野寺杯筵罷官門几杖勞陪從兩日話意氣百年豪
海色晴疑雨風聲晚似濤君看太守醉水墨爛揮毫

寄宋鎮安

淵

張望江南路何時五馬過人烟寒食近客夢故園多
白日圍書坐青山對酒歌佳期知不遠門外待鳴珂

聞鴈

一陣三更鴈蒼蒼海月斜天涯孤客枕塞上幾人笳

未必關兵氣其如感歲華春來多少恨傳語故園花

聞鶻

蜀魄聲聲苦春山處處花窓間人獨起簾外月初斜
不盡千年怨空消一歲華江南芳樹地莫近楚臣家

喜雨作寄谿谷遲川畸翁

清廟回鑿日甘霖霈澤時君心上帝感民事小臣
知萬物回生意三農滿願期分明西太乙應製有新
詩

小牛島

四月芳菲節扁舟汗漫遊海中諸島竦雨後雜花稠

水路通三界人烟到十洲銀河繞一帶的的近牽牛
召忽魯二首

大海千重浪高帆萬里風襟懷天地濶世界水雲空
夜宿寒沙上月明孤島中時聞笙鶴過寂寂老龍宮
蓬島金為闕桃源玉作堂草青皆是藥槎老半為香
恠石千形立祥禽五色翔平明扣柁去雲水遠蒼蒼

蜃市

七日游三島帆風便去來衡山雲已捲登海市仍開
晃朗金為界參差玉作臺神龍應出戲蜃氣亦奇哉
石假山

始積一拳小終成三面高倚墻切易就合土勢方牢
兩洗苔如錦風吹草似毛衆峯環擁裏自有出羣豪

尼山縣齋贈朴明府從兄

大健

小縣槐陰靜閑庭散晚衙野田爭水道官市近漁家
舊夢池生草新詩壁滿紗醉來催上馬風雨帽簷斜

別平海李使君

後天

颯颯終宵雨蕭蕭出郭村行人應未發歸思共誰論
海樹秋先落山雲晚更屯回看故國路天際夕陽痕

挽吳生負

達晉

儒雅家庭得才華翰墨精玉樓催作記金榜未題名

阿敬寧非命安豐最篤情山陽多少客何忍聽驢鳴
送谿谷左遷羅州

八座文章伯無端困一麾天高誰敢問地遠倍相思
嘿嘿看時態茫茫怯路歧明朝還往絕不復更題詩
附次韻

行箴兩難得閉戶客長麾別後誰相問天涯應爾
思浮雲無定態直道幾多歧歲暮江南路看梅或
寄詩

谿谷

挽權慶州

帖

渤海回槎日炎州返櫬時別離纔隔歲存沒不勝悲

凄斷山陽笛浮沉驛使詩秋深道南宅淚洒菊花枝

題信行卷

颯颯秋聲起依依暝色來閑添新睡課病退舊詩才
忽見山僧至纔從洛寺回東臺看月處別後幾徘徊
題真一卷

日午山村靜蕉陰欲轉時僧來詩滿軸坐久雨沾衣
卒歲安仁興逢秋宋玉悲偶成三笑別各贈五言歸
試院次竹陰韻四首

試院逢佳節清歡共一場空庭罷蟻戰暝樹見鴉藏
小閣沉沉靜寒花脉脉香迷離朱墨裡相對了斜陽

翰墨風流地看公早擅場身非方朔隱名豈謫仙藏
共抱文園渴同違畫省香却慚聯句會添瘦病東陽
太學開闡日諸生射策場壇踈惟杏老壁古宛書藏
鄒魯絃歌盛春秋黍稷香 聖君敦教化龍德正當
陽

夜月當深院秋槐蔭滿場寥寥同八定嘿嘿似逃藏
跋燭猶垂淚寒爐已替香知君倚樓興歸鴈見隨陽

挽李端川 尚及內

僮弱經時病關河悵別餘尚平婚嫁畢刺史出還初
淚盡東歸櫓魂隨址返車天寒竟床篔簹悽斷子荆書

送真一上人入楓嶽

洛寺看新旭紅濤滿目吹液佈七年跡零落幾篇詩
雪岳亭亭立風泉咽咽悲丁寧再赴約應有老僧知

送全羅都事姜公獻 琦

藹藹頌都送棲棲佐幕行應尋楚澤老先過錦官城
地遠來書少時危別恨驚忽忽詩未就傳我萬重情

送長興崔使君 來吉

又作江南別江南親舊多明時同放逐暇日幾經過
山擁方城路天寒錦水波憑君問消息眠食近如何
永安第詠菊

暮景風霜逼孤芳殿歲華春藏何處塢香滿令公家
灑灑杯心凸傲傲燭影斜爭看學士醉水墨爛如鴉

挽沈德用命世小室

脉脉梨花夢依依桃李詞忍沾開篋淚虛對遠山眉
白日簾垂地青春燕語時回看大小塚江草綠參差

送李直夫之清州

去去誰能挽棲棲歎獨躄行箴君得計離合我傷魂
寒食終朝雨黃梅出郭村題詩還自笑慣作送人言
聞谿谷到水原寄贈二首

已是經年別其如縮地難忽聞千里至猶阻一宵歡

北望紅雲近南歸春雪殘丁寧蕭寺約脉脉在心端
遠客歸何早微官去亦難不成江上約空憶洛中歡
抱病春將半題詩日欲殘送君無別語世事太多端

附次韻

謾道長安近那知一會難親交空在眼翅濶不成
歡嶺雪逢春盡官梅過臘殘憶君無限意離夢香

雲端

谿谷

挽柳僉知汝恒

昔疾因何狀朝言宛若聞須臾還往絕奄忽死生分
漢上留人兩天涯憶弟雲年年載酒處回首幾懷君

任淵集卷之五
挽權留守盡已

太史春秋筆 承宣啓沃筵
才華為世重 儒雅是家
傳京輔 觀風日分司
養疾年平生 親串義哭望上江
船

挽張玉城晚夫人遷葬

國悴人亡日 冥招劍合時
禮回祈塚盛 詩到曙星悲
太史名臣傳 張林婦德碑
平生門下士 揮淚寫哀辭
汾西第送大觀

又作臨歧別 俱非得意行
世難容直道 天欲長詩名
漢水冰初動 江州木向榮
客懷何處寫 應過錦官城

騎省直廬寄諸學士

雨氣消殘醉 春城見暮鴉
沉沉上苑樹 脉脉小庭花
久直妨幽賞 重來感物華
想君今夜興 佳句向誰誇
漢江舟上別大觀仲連次汾翁韻

在世誰無別 唯須會合頻
從來迎送地 何限去留人
向老憐同病 浮名困此身
逢場拚一醉 歸路倒烏巾
次題李直夫扶餘江舍

幕府回車日 秋風落木天
江山知有主 樓觀似登仙
隔水漁村近 緣雲鳥道懸
分留舊物色 魂夢尚依然
次東岳寄示韻

養拙仍多病投閑欲上章平生遲見事前後忝為郎
綠蟻盈樽味明珠燭室光團圓詩酒興回首水雲鄉

別楊口李倅元龍

小縣山為郭孤村板作扉江清官樹落秋晚子規稀
整翮新鷹翼登盤錦鯽肥少年為客興輸與使君歸

寄西伯閔士祥聖徽

任重關西伯名高汶上翁華人趨約束 聖主識精
忠田野農桑遍山河鎖鑰雄他時麟閣畫先數拓邊
功

病卧寄東郊獵會

今日東郊會何妨少此翁暖泉難漱口豐草苦多虫
中暘心先醉當陽面易烘爭如高閣上飽食卧清風

簡寄畸翁

安穩軍資正相思欲白頭遠書唯計日多病又逢秋
悄悄籬邊菊依依月下樓待君開小釀一醉散千憂

白洲集卷之五

白洲集卷之六

五言律

秋日送舍弟遊楓岳兼寄樂全觀海

蕭史回車日東州出峽時相逢何處寺同賦幾篇詩

彷彿靈山會分明羽客期應過水岵去傳語老祥師

觀海或稱東州

秋日尋山屐聯翩出郭遲酒壺經縣得糧索付僧持

蕭瑟還添興淹留莫負期毗盧當落鴈飛動謫仙詞

寄嶺伯吳肅羽

不作臨江別仍成隔歲期半生長是別同病倍相思

藥物僑居僻梅花驛使遲
霍溪住節處和我舊題詩

別朴德雨黃之靈光

冷落金華語支離
選部名人生唯適意親
舊謾多情半月千年寺
扶風隔水程斑衣過楚
澤一笑卯君迎

書堂會罷口號

夜月初當午天星政聚
奎才名誰上下地望愧
端倪錦瑟留人語華牋
勸客題散來成一夢回
首各東西

是日會者五人

別永川李使君重吉

每惜沈淪久仍嗟會合
遲還為今日別又是幾
年期

明月樓中夢秋風嶺外詩
江南春色早無限故園思

別綾城鄭使君沈

又輟郎官席重乘太守
車人烟非嶺嶠山水勝
伽椰詩續前丘草行經
故里花却憐頻遠別春
髻共添華

別李東野珂之康津

袞袞辭丹陛依依向遠
州遷臣芳草恨遊子白
雲愁海暗魚蝦市春生
橘柚洲少年為客地傳
語驛南樓

別冬至善行 聖節使李叅議

賀節朝天使工曹老侍
郎才華曾翰閣行役復
思先遼海三秋晏燕雲
六月涼蓬萊討真訣不
遣髻添霜

邀汾翁夜酌

六月連宵雨千溪積水平床如杜陵屋竈似晉陽城
壁菌層層出池蛙閣閣鳴此時論酒價直却萬金輕

別祥雲金督郵

泰基

領略關東勝襄陽占一頭竹深留客館花滿太平樓
洛寺偏宜月蓬山又近秋傳筒有驛使不待鴈為郵

寄贈順天李使君

少別驚千里江南驛使餘汀樓空燕子官閣落梅花
海暗鮫人市天寒洞客家蠻鄉異風土相憶鬢添華
題三巴金生亭

津頭見高柳沙上有孤村汲水人歸浦維舟客到門
炊烟兼暝色漁火近黃昏買地吾將老琴棋共此軒

次友生韻

懶性宜同舍佳期又一丘兩非魔好事天欲續茲遊
駐馬呼棋局披簑問酒樓臨風橫一筴窳亮動新秋

秋日遊上東門外

已近重陽節那無半日閑獨乘羸馬去將與暮禽還
白石秋花冷清溪露葉殷沙頭一壺盡吾亦已紅顏

別曹子實

文秀之高城

境即烟霞窟人須翰墨仙官居楓岳寺公事鑑湖舡

白石集卷之六
三
片石埋香地鳴沙過兩天蒼涼山水色留映壁間篇

郡志兩晴
沙乃鳴

七槐亭贈主人南生

幽居近城郭細路入田疇大小麥初獲東西瓜欲收
平蕪宜落日高樹易清秋即此長還往何須向遠遊

挽延平府院君李公貴二首

議論廷無右勳名國有今人誰存宿憾世亦服公心
師友依歸早君臣際遇深山河流峙壯餘外盡消沉
特賜東園秘親臨 貳極尊生來應間氣身後亦殊
恩遺草皆封事朝衣尚淚痕忍聞將絕語扶服向端

門

題尹生山堂二首

君家雙樹下一坐散千憂颯颯風連海蕭蕭雨送秋
山從盤果落庭許野禽留我醉饒揮洒兒曹任汝收
白露秋將晚青梧葉政飄偶從田客飲仍赴野人招
暝色前村路潮聲別浦橋不須風落帽吾鬢未全凋
月蝕口占寄持國

大地元無影妖蟆豈有精猶殘一鈎細不掩萬方明
南粵終王土東周亦帝京小臣饑虱賤踴額只輸誠
附次韻

白石集卷之六

古

兩曜寧相掩媚娥自喪精初虧半分影欲翳滿輪
明上帝紅雲殿羣仙白玉京終能掃滓穢應復鑑
微誠

谿谷

題劉老希慶詩卷

泱泱三清水循階入小池梅踈當戶影松老出墻枝
早習文公禮能為近體詩風期元不俗佳會屬花時

次子時見寄韻二首

海內山東白人間謫下黃官班聯北斗樂府和西涼
往事春如夢微蹤祇在倉灘居秋興足隨意宿僧房
碧樹見黃葉秋風來颯然寒虫吟草露候鴈到江天

並直同歡夜追思已隔年逍遙臨暮意說與故人前

口號走筆贈和順李使君

瑞石山南縣蕭然似梵宮煎茶踈雨裡鳴筍落花中
往跡春如夢離愁燕別鴻溪頭無限竹合作遶書筒

景輝別席書扇各贈景輝可久

景輝以體府從
事可久以管餉

從事
俱會二首

體府新叅佐天曹舊侍郎才名誰敢敵籌策又稱良
迢遞巡行地蒼茫戰鬪場山公他日啓不但檢詩囊
飛輓催軍食分司輟講筵微醺法搏酒尚帶御爐烟
冰蘂朝天日風稜運海年茲行委輸急莫賦獨賢篇

夜宿水鍾寺下樂全逸酒先還曉次其韻

極目津亭望仙舟曉已迴泥沙尋舊跡樽酒惜殘杯
剩有江湖興慙無月露才今宵落帆處相憶幾徘徊

夜泊

夜泊月溪邊孤村遠麥田鷄鳴隔離屋人語下灘舡
泥燕飛高下汀花落後先篙師候風色日出半帆懸

驪江

水到驪江濶山從雉岳高東西危作淺上下險稱牢
䟽鑿神功大舟車聖制勞長安知不遠斗尾見秋毫

神勒寺二首

神勒高麗寺浮屠刻畫明江山幾浩劫風月謾多情
危徑攀栖鶻深林度轉鷲下舡催早飯鼓柁向秦京
極浦明孤火空江生白烟千尋束峽過百丈下灘牽
處處迎神鼓村村買炭舡往來繞十日信宿亦前緣

牛川

近渚芳草生隔溪烟樹平舟人曉相語水鳥夜仍鳴
殘磬翠微寺小村襄節瑩江行詩幾首四十四灘名

出斗尾次汾西

盡日雙橈役還如上瀨艱詩成猶近渚睡起尚前山
霽旭紛金綺輕雲媚黛鬟沙頭高樹見遙認舊昌灣

別春川府伯沈公

詒

微雨濕行袂使君朝出城封疆連穢貊形勝有清平
書信池中鯉光陰峽裡鷲却憐頗遠別非為厭承明

別子容之金堤二首

秋雨響蕭蕭山扉掩寂寥終宵對燈火來日向河橋
碧蕙孤芳歇青梧一葉凋良時易晚晚此別更迢迢
少日憐漂梗中年喜盍簪無端同抱病何事又分襟
蕭瑟歸田計遲回戀闕心還朝雙賜履南望海雲
深

挽高吉州

用厚夫人

畫地驚三木傾家之一金飛霜五月迫如海九關深
可忍須臾痛難為晷刻心思波違咫尺猶及舊堂尋

病中寄谿谷

一病淹三月秋懷倍悄然狂風捲茅屋寒雨恟椒泉
棊手從高下醫書滿後前想君同此况相望只相憐

附次韻

衰相關雙鬢逢秋轉颯然涼陰逗瓜蔓新兩漲苔
泉世事拚身外年光閱眼前病來詩筆澁知有故
人憐

谿谷

挽權寧海

海濱

栢府論思日春坊侍講年宦遊驚歲月官况賴山川
地即瓊雷近家仍嶺海連人琴無限痛歸鴈望秋天

挽金佐郎光燦內

昭伯得歸葬當時題輓詩星霜今幾閱存沒正堪悲
白髮堂中老雙珠掌上兒尊章稱孝婦不必待張碑

漢上口占醉別嶺伯洪元老命考

近臘天寒重臨江晚眺餘長水連大陸積雪際平沙
行役身將老雜愁髮欲華題詩還一笑吾醉筆橫斜

別求禮申使君澆

出宰今山縣為郎昔水曹路經湖北遠地近嶺南高

同舍憐分袂臨歧憶贈刀知君樹佳政不晚荷恩褒

春臺搗史會口號示汝固是日宿造紙署

小傘遮微雨輕鞋踏石稜汗青今有日酒綠又如渾
亂瀑前溪響濃陰遠樹凝夜深連榻卧佳句續殘燈

附次韻

史筆真成拙詞臣本沒稜完書追漢史高會厭秦
渾一兩清溪漲千峯暮靄凝君詩似明月亦足替

華燈

汝固

又次汝固韻

急雨朝來歇泉聲萬壑同境非人世外身已畫圖中

勝會追前輩狂吟笑此翁醉書溪石上歸興惜忽忽

題僧卷

晚樹秋陰靜風攪午夢宜半年常抱病七夕偶題詩
下榻無佳客攤書任小兒僧來如舊約一笑展雙眉

赤石硯夢作

本倭石也崇禎戊辰秋為余得得之夜夢作
此詩丙子亂漂至南海上忽於完山逆旅中
得一無匣硯乃此石也吁異哉遂刻于硯面
而識之

赤石生滄海良工巧削成閱人千歲久論價萬金輕

尚帶波濤色如聞風雨聲滔滔濡筆興前後幾留名

挽鄭弼善雷卿

事或虞常坐忠應傳監移敢言千里畏尚有一人奇
志决忘息愛魂歸感聖慈平生彭澤詠淚盡此哀

辭

遠步終須展奇章好是舍誰令嵇紹死偏有巨源慙
席並薇垣再書從雪窖三暮途迷所托冥漠此心諳

挽張經歷遇漢大夫夫人

海上驚塵際人間泣血餘羨他超禍網作宰奉安輿
陸母慈方肉王郎孝躍魚傷心開篋日尚有未回書

次覺海卷韻

壞衲白雲凝忽逢江寺僧去今來世話三十二天層
烟若摩尼照能教濁水澄沉沉居士疾忘却一年仍
悼谿谷

並世誰爭長權時最得中片言遺物則萬理八神通
傳火來無盡浮雲過即空青燈杖血語洒寄赤心風

次兒輩韻四首

默默將誰語悠悠却似閑風塵猶極目天地更何顏
髻益綠愁白衣從拭淚斑愚夫愚亦甚隻手欲移山
薪膽經營切衣車進退閑歡聲迎 鶴駕喜色想

龍顏北極宸居遠西關戰血斑腐儒心未死握筆望
燕山

抱病仍成趣無營轉覺閑看書妨老眼對鏡恹衰顏
澗草逢春綠巖花待雨斑壤東新卜地回首赤城山
開鑿非無事栽培好是閑分來苔井脉添得草堂顏
柳欲三行直花宜五色斑箇中幽興足不必沃州山

示姜公獻

弱國羈縻計忠臣感慨情眼驚旗彩眩淚滯陌塵清
隴鳥秦宮入宛駒漢殿鳴馬曹虛帶劔投筆想班生
己卯十月二十五日到營至月初二日與都事

牧伯往審鵠原山城出按關東時

雉岳千尋壁鵠原數尺城古來稱地險即事見民情
家國同天恥英雄異代名壯心當歲暮西望淚縱橫

次湖南伯元子建寄示韻

吏散文書靜蕭然退院僧手中携一冊窓下對孤燈
垂老仍多病臨危未效能故人書遠至千里兩心澄

題僧卷

日晏鳴鼉切晴窓乳雀喧綠楊臨水驛紅杏隔林村
睡罷仍欹枕愁來獨命樽山僧亦多事乞句倚營門

蟾江別道章還晉陽二首

不復游方戀何心擇地便南鄉多橘柚東海足風烟
夢去猶迷路書回且隔年未須憐我病君髻亦蒼然
世代同泡影乾坤且劫灰六年雙骨立一日九腸回
海暗溟州雪春寒庾嶺梅 天恩時一會不恨隔瓊

雷

上元朝行望賀禮感而有賦示公獻

貊國山河壯新春景物饒一年看月夜千里望宸朝
聰飲憐吾老鼓聲聽女嬌蒼茫東海路明日又征輶

寧越館

春夜不知曙酒醒窓已明嶺雲寒欲落峽水曉仍鳴

太白集卷之六
梅竹樓何在汀洲草又生行人雙淚發不待子規聲

平昌途中

太白東南見春寒雪半留今宵經弱水幾日發丹丘
採藥人皆阮吹簫嶺是緜郵童催上馬一步一回頭

弱水丹丘驛名

月精寺二首

品水同揚子中臺配象王先朝聞駐蹕此夜默燒香
古塔新羅記名山太史歲東來皆淨土不必問西方

塔影當樓靜鐘聲度院稀鴉啼山木曙僧語佛燈微

漱口水生梳開門雪到衣焚香看道帙頓覺百年非

羽溪途中五首

岳色兼天雪風聲捲海濤州居初日近關路夕陽高
去住俱王事登臨復我曹搏前飛動意不減昔年豪
白嶺春見雪羽溪夜聞濤三杯官燭盡一笛海雲高
古壁尋佳句能詩愛爾曹胡床樓百尺氣欲壓陳豪
彩筆誰江令花殘有薛濤春醪寒不厭風笛夜能高
行役憐衰倦從游賴掾曹波聲與岳色孤嘯欲爭豪
獨石當遙海驚風噴怒濤雲雷迷咫尺天地失卑高
汗漫終何極登臨幾曹千秋落鴈詠到此未全豪

蕭瑟山前驛蒼茫雪裏濤佳期青草遠歸夢紫宸高
酒興同賢聖詩才愧鄒曹逢場揮洒處益覺少年豪

三陟浦

古鎮城如斗孤村屋似蝸不曾經戰伐猶自足生涯
海氣薰青草濤聲捲白沙無端前夜雪何處覓春華

真珠觀

弱水三千近長川五十來臺高風送笛村遠雪藏梅
海色搖詩筆山雲滿酒杯樓頭星半落獨與月徘徊

交柯途中又次前韻

莫是尋山去還疑入洞來前宵三尺雪何處一枝梅

樓迥簷留月屏深燭映杯平生松石老先我此徘徊

挽金鴻山天錫大人

晚慶真堪慰沉憂奈未亾幾年同入土五月昔飛霜
家秉寒仍舊賓筵窘亦光寸心嚙截髮餘恨失升堂

題僧卷寄澤堂二首

寒食清明後孤村疊嶂中柳風春細細麥雨曉濛濛
吏散庭除靜僧來几席同題詩還一笑歸計又成空
鳥自投林急雲何出壑遲詩功春後減花信雨前知
勝會須蓮社閑遊可習池憑僧報澤老咫尺阻佳期
鷓原為原州之保障既脩繕城堞創建廳宇積

聚戎器儲軍食令百僧守之意非偶然僧將
文玉本居春州之清平寺前使俞子脩以玉
才咒為諸僧冠遂易前將而代之玉能事其
事使諸僧懷惠而畏威此可見玉才器而亦
可見前使子脩之能知人也世亂極矣安知
何處不可憂也又安知何處得力而何人辦
事也玉乎勉之哉玉能詩且能書作一律示
我又以新軸五色牋求余一言弁之余嘉其
意次其韻贈之得無犯汚佛頭譏耶
一宿鴿原寺山閑世念疎有僧呈訴牒知爾善題書

戶外嫌塵屨盤中愛淨蔬
來勤索句孤館午眠餘
汎波亭次友生韻

供世身全老驚人語已休
病堪酬小酌禩不怒虛舟
物態從輕薄吾生任泊浮
求田與問舍此計我先籌

狼川

合沓山為郭參差樹作門
官疑勾漏令地即武陵源
政化觀溪水民謠聽鳥言
茫茫生物意白日照深村
正陽寺樓題脩上人卷

經春花未盡連日雨初晴
地自因人勝天應後我行
雷鳴萬瀑洞玉立衆香城
多少空門友憐渠一笑迎

通川李使君大純於廨右得一爽塏為觀政之所命曰吏隱堂成而余適巡至詩以落之

一畝方塘闢三椽小閣開晚暝官市散踈兩海棠來滿案唯黃卷閑庭可綠苔晉南鵬路近莫滯士元才

狼川途中

往返皆逢兩山田水滿渠天應欲肥麥吾敢擬隨車樂歲猶云急無年可予餘却憐深峽裡能得幾安居

次題久上人軸

又宿摩訶衍重臨佛頂臺盪骨銀海潤眩眼玉山堆苔合曾題石香殘半死灰忽忽問前路簫鼓為誰催

題乾鳳寺僧軸

楓岳西南麓觀風此路非未成孤寺宿仍與上人違一雨逢秋霽千峯鎖夕霏前期亦不遠紅葉照行衣

次澤堂韻贈乾鳳照上人

爾寺聞名久非吾故倦遊專心楓岳路罷興洛山樓既去寧論晚今行政屬秋有詩堪作施才退不全羞

臨池偶占

不向浮萍閣居然半月強更無紅一縷只見綠千房寂寞風前艷依稀雨後香臨池默惆悵觸物有炎涼寒溪瀑布贈玉上人

宿雨收昏翳新曦輾碧空瀑流肥舊白楓葉媚初紅
客似仍皆羽山疑到是蓬一年淹使節強半宿琳宮

雪岳山萬瀑洞

四面千尋壁雙流百折灘雄蟠坤軸弱遙注海門寬
開闢神功壯扶輿淑氣完題詩誇勝跡留與後人看

玄谷寺

玄谷何年寺無僧逕轉幽今朝經使節他日記仙遊
東海三山近西風萬木秋半酣書滿壁橫笛下高樓

乾鳳寺示同行諸人

原隰烟霞窟巡宣汗漫游三看洛寺日再倚水城樓

勝友東南盡名山次第留驚人
有謝朓氣壓萬峯秋

次朴仲連韻

始向蓬山去仍從嶽嶺回我能如約至君似後期來
地僻魚書少天寒鴈陣哀行藏違夙計日覺髮毛催

奉次杜渚寄示韻

杜渚金公壑號

上相陶甄久孤生性命孱偏懷國士感共惜暮年閑
供世非耽祿歸田不乏山從來瞻仰地拭目濟時艱

附原韻

四海天章健三韓北渚孱須君方濟難卜我暫偷
閑掩淚持清醪無言對碧山殘生更可待已喫六

年艱

北渚

玉井菴贈坦上人

燈岳西南麓新開玉井菴法雲晴靄靄靈草綠毵毵
淨業須真界隨緣是善男平生貪佛日頭白只心參

別完山洪令尹 振道

豐沛興王府龔黃出宰鄉城隍來百濟地界控三方
絲服金橫帶蟠桃露浥觴永懷修稷日清血獨承睚

題金生江亭

來往十年間相逢多舊顏雨中盆浦樹雲際廣陵山
簪笏憐吾倦琴棋羨爾閑不隨沙鷺宿應趁禁鴉還

關王廟別道章還晉陽二首

秋日都門別相携到夕陽我留無一戀君去有何忙
縱是前期近其如此路長明朝渡清漢回鴈與為行
病葉猶含露寒花亦向陽天機催代謝人事異閑忙
暮客雲俱散秋懷夜共長吾詩聊戲耳醉墨不成行

次題尹新寧松月亭

供世身全老歸田計已虛羨君專勝地要我賦閑居
清洛回舟晚秋楓過鴈初病懷兼別恨踈兩對殘書

戲謝金陵呂使君 兩載

可使秋無扇須教食有魚朝來逢信使歲暮見情書

退筆花何在新
簾雪不如一
綫當一字
猶得十
綫餘

送秋日口號奉鄰友

病裡黃花發
柴門閉寂
寂可憐
秋盡日
何事兩
終朝
睡罷仍孤
卧詩成
只獨謠
知君同
此感
咫尺
望還遙

別密陽使君

三韓形勝地
第一嶺南樓
海近漁商市
村深橘柚秋
從凰同蜀客
乘鶴又揚州
得意非今日
青春已拜侯

戲贈能上人兼寄覺老師

覺老空門契
平生夢想懸
參禪吾白首
傳鉢爾青年
卓錫浮雲外
歸裝落鴈邊
明知度嶺別
夜雨九江舡

玉井菴次楊道一

遯世初心在
迷途暮景殘
情知故人至
病有一僧看
坐數寒鴉去
行逢野獵還
灘頭成小築
擬占百年閑

次畸翁寄示韻

供世非耽祿
歸田異卜居
寸心同進退
萬事任乘除
淚盡艱虞際
書傳夢想餘
今年看又過
何路更聯裾

敬次北渚南坡兩相公韻

南坡沈
公悅號

東閣華筵敞
元臣赤舄來
雙台天並耀
獨唱路先開
門暎初舒柳
庭殘半落梅
樽前忽惆悵
未把竹陰杯
挽李挺而命雄

慷慨憂時語辛勤報 主心當官忘毀譽隨俗媿浮
沉一見開懷盡殘年托契深微黃朝夕望老淚倍沾
襟

次叔溫韻示大容

遠巷人烟少名園水石幽風光花已雪時序麥將秋
懶慢仍成癖逍遙可是遊朝來問烽火默坐政舍愁

別朴執義遂

久覺詩情少應耽酒興闌聯居仍巷僻此別奈天寒
漏憶銅壺永香留繡被殘明朝渡清漢回首五雲看

次前韻別南原蔡使君裕後

我病君游倦相從興未闌如何湖海別又值歲時寒
換酒嫌村僻論詩到燭殘慙扇頭作一憶一回看

次舍弟韻題宋上舍民古扇面

久抱維摩病初聞王粲來相逢休苦語故意各深杯
詩酒聲名進江山歲月催生材終有用莫遣壯心頹

次朴之英投筆亭韻

有何飛食相遽欲效雄圖爾筆曾干禿腰章未一紆
新居雖可樂宿債豈專無待我辭文柄長休共暮途

挽鄭下叔斗源

豈有長年者誰為獨往人君能盟水石我自走風塵

鄉信春初至交情老益親平生知己淚後事問蒼旻

次汾西韻別仁同李使君

楊然

世情多變態交義貴知心既有游方戀寧無懷土吟
洛江千水合商嶺萬峯陰五馬頻來往清風爽滿襟

挽李承旨

惟聖

不為同科好非緣共閑親愛君無俗態到老獨天真
騎省傳杯日銀臺聽漏晨平生相勗語衰白只傷神

送覺老師入日本

鍾鼎隨瓶錫慈雲帶福星清詩山鬼泣妙訣海神聽
試把青蓮舞兼翻白馬經爾家無二法着處濟含靈

挽東淮小室

悄悄孤眠起依依宿醉醒遠山晴似黛寒雨夜聞鈴
燭影留深幌爐爇着故屏春來沁園草虛帶舞裙青

車輦道中

以五臣北行時

擁傳非玉事行窩異使軺天寒春尚早地盡路還遙
報主無長策憂時只獨謠千年有遺堞辛苦想前

朝

連山館次東淮韻

地已龍灣盡人猶鴈塞行臨流忍歇馬落月更催程
欲語先呼譯相看不識名暮投孤店宿猶對一燈明

遼陽二首

河水半流漸遼陽春較遲日邊空有夢灣後欲無詩
浮海何年至尋源北路疑茫茫天野濶時見射鵰兒
旅夢驚殘月鷄聲似故鄉朝行積雪上晚飯古河傍
開闢惟今日興衰奈彼蒼片雲經白塔西去落何方

次清隱韻

秦地山川是遼陽城郭非人烟出塞少鄉信過江稀
跡與浮雲在心隨獨鳥歸 息波霑少海羈旅頓生
輝

冷泉

夷夏千年界乾坤百戰場草逢春亦白沙與日俱黃
拭淚辭行殿啣 息返故鄉羔兒一盞酒醉睡冷泉
傍

龍山溪上口號示直夫

瀕死憐臣命全生荷 聖慈價慙燕市骨費過露臺
資却恨回朝日還如去國時何心辭 鶴駕無語報
龍墀

未去歸心切將行告語難從臣今又五廝卒昔能單
幾日回 鑿慶千年合殿歡 龍樓陪問寢小豎報
平安

新安館先發次直夫韻

泯泯春流去萋萋汀草生異鄉同作客少別亦關情
咫尺三清閣參差幾日程待君經信宿方向沮江行

自瀋還至安州贈李節度

澹月兼昏靄輕颺且夕涼人應歌入塞馬亦喜還鄉
候帳樓舡敞轅門畫戟長病身經萬死今夜盡君觴

晴川舟上贈主人

此豈他鄉會吾從何處回天涯見骨肉江上有樓臺
自倚千金價休論八斗才還家餘興在猶趁晚花開

端相自京來迎
故第三及之

玉溜泉示直夫

玉溜兼仙榻丹書暎海西苔生石縫合珠落水簾低
往事青山在深春黃鳥啼從知避秦地不必武陵溪

次清隱韻二首

久作囚秦客誰非奏楚人惟君偏意氣與我夙心親
道可行蠻貊誠應感鬼神如何歸國後猶恐往來頻
異域生還日同時擯逐人已將春送去惟有病來親
身事慙無賴君恩感若神回瞻上苑樹夢近五雲
頻

又次清隱寄示韻

越索雖去罄奚囊却實歸吳趨慙郢曲土缶間金徽
勝會思前夜清樽惜暮暉休言懸榻久無使適筒稀
癸未清和小旬出寓楊浦舊居感懷偶占

宋玉臨江宅傷心已草萊濠梁魚獨樂華表鶴重來
不復逢場興非關作賦才厨人篝火語應報釣舡回

次李秘書進石湖亭韻

詩法逼方干客居追幼安樽前唯樂聖林下豈休官
海氣雲生硯潮聲雨八欄暮年同社興留得一篇看

題嘉陵溪上新舍

築室三間半栽松一尺餘敢云存晚計非為賦閑居

庭澗堪旋馬潭清可數魚西鄰烟火近兼有遠公廬

別朴海伯尚之選

剡薦兼宸簡材鋒始發揮海藩今孔道民事又仍
飢決水看初政搏風待展飛病人徒惜別瞻送夙心
違

走筆寄申督郵孝思

昔我拘西館聞君赴北郵死生方草草離合付悠悠
故國殘骸返他鄉旅夢愁來書似有約隔月待新秋
楊浦舡上次鄭應教知和寄一相韻

舊築青山在新盟白鳥知幸逢人似玉兼用酒為池

後會寧無日茲游亦不期憑君謝谷口莫負月明時

別金自珍南重入瀋陽

歷歷纒行路依依又送入關河多雨水遼塞政炎塵
此役同榮辱當行各苦辛如逢舍弟語吾髮已成銀

次題李子陵景嚴所藏 宣祖大王御書軸

日月留餘照江湖感晚生玉欄花幾發 奎翰軸新

成 睿想雖嚴釣旁招則尹耕憐君未全老寂寞一

丘營

癸未八月 昌陵途上迎道章戲占

宿霧兼初雨侵宵又犯晨暗橋還有穴遙寺更無隣

忽遇風狂客終違火伴人雖先半日面幾誤百年身

時道章以賓客自瀋還京余與兒輩
前期出迎而路遇狂客狼狽故云

秋日寄分沙

水崖秋將晚薰葭露欲霜曾留揚子宅新闢晉公庄

我去誰能挽身閑却自忙政當魚鱗節虛負菊花觴

別金雲瑞霽之任吉州

久視銀臺草初分玉塞符詞臣今岳牧賢路亦崎嶇

書劍身千里山川地一隅回看鵬落處憶我暮歸無

挽朴承旨弘羨

酒賦周旋久襟期許與偏風塵仍契濶歲月幾推遷

青瑣啼鶯曉滄洲落鴈天平生過嶺作無復竹筒傳

別寧越使君

閱盡關東勝長懷古越游燒香魯陵廟把酒錦江樓
草草詩篇在依依物色留待君新領略張我舊風流

除夜與畸翁及李士謙行進昂坐聯句

鄭老身猶健章逢場索酒頻離筵當此夕謙暮景惜

佳辰山水東南勝章風塵歲月新謙可憐殘燭盡夜

酌莫論巡容

嘉陵溪上示楊道一二首

我髻鷗絲白君顏鶴頂紅相逢山影裏同坐樹陰中

偶似求仙客休云避世翁題詩溪上石重約九秋楓

童子隔溪喚柳穿魚眼紅解衣白石上繫馬青林中

對坐此山客遠來何處翁九霞傾一盞雙頰已如楓

宿奉恩寺次題天主卷

輟棹前江暮携筇古寺深樓臺纔浩劫風雨又秋陰

興廢聞僧語閑忙愧客心梅花庭畔約不待雪中尋

寺有梅花
堂故云

挽東淮八首

相國斯文望先人莫逆親典刑推意氣孤露托精神

歷代名臣紀皇王帝伯論承家經世業編簡照千春

宣廟儀賓選名門奕世榮風雲隨顧眄星斗借光晶
御筆 黃封濕珮軒紫陌清回思行樂日何幸及昇
平

五子同時幸虛名弱歲叨飛騰齊賈勇酬唱敢辭勞
一振洪鍾響爭推白雪高平生揮洒地無復壓慈豪
罷獵田間飲騎驢陌上逢春霑 穆陵兩晨隔景陽
鍾不盡窮途哭維新舊國容四方兼上下追逐更雲
龍

冰雪三冬暮風塵四海陰擎天皆赤手向日只丹心
同貫沾殘沫羈栖和苦吟全歸知化力衰疾奈交侵
乍隔吾如失將離子若癡風期一代晚交誼兩心私
淒斷班荆語沉綿閉閣詩死生臨訣淚衣袖尚含滋
萬事可前料百年無此材書由二王進文亦兩京來
追琢窮山岳流傳到劫灰堂堂去如許吾道更悲哉
紅樹峽中秋白雲江上樓他時懸一劍何處繫孤舟
笛自前村起詩應滿壁留山丘無限痛不待過西州
次謝畸翁重陽后日在咸陽郡齋寫懷寄示之

作

剝啄驚殘夢南州消息來辭應滿紙苦淚不待絨開
白老參商隔相看歲月催杜陵存歿詠先寫此心哀

附原韻

重陽后日獨卧郡齋得澤堂白洲二書俱到苦
語滿紙情事同然悽黯移時發於呻吟寄遠呈
兩學士求和此不足相慰只助沾襟也

澤洲兩學士書札一時來款款衷情在濛濛淚眼
開朋知今已盡喪亂日相催故意兩如此吾生獨
自哀

畸翁鄭子容

宿外院庵示道章

丈室琉璃淨層巖一逕微佛燈明到曉山雪白通輝
梅隱清風在麻姑故跡非三宵連枕樂此地最依依

挽八川君

昔過蒼峯驛孤村黃葉秋入門省意氣把酒想風流
疏傳家聲在桐鄉吏績留一詩緘淚去東望萬山稠

別秋曹鄭尚書世規之燕京

鳩省尚書貴燕行貳价尊君能盡臣節天豈有私思
關路烟花近金臺夕照痕感時無限淚隨處駐征軒

挽李金浦以省

落落今誰在滔滔奈爾何春花依舊護門巷忍重過
急水舟中語行朝陌上歌憶來真一夢老淚欲成河
挽德原公子

國手皆餘事風流迫絕倫
忍將知己淚空洒落花春
座對平生酒門疑剥啄人
他時上菴路山色為誰嘖

六言律

題申生草堂

野外青山北去門前綠水西
流始疑嚴公釣潁宛是
李白書樓鄉射時
兼襖飲田歌互答村謳
輕輿小队無恙暇日不妨優游

燈夕題燈

碧樹沉沉小院明星燦燦
高樓依然藥珠宮裏宛是
羣玉山頭心傳萬佛千佛
光普十州九州借問靈鷲

道會何如葉師真游

白洲集卷之六

